

東臺縣志卷之二十三 傳四

仕績

雲霞蔚起在海之堦濟濟多士鵬運以騫官業斯著秉哲勿愆德歌五袴清選一錢彼土無惡桑梓榮焉樂只君子允憲前賢志仕績

吳謙字撫軒安豐人原籍蘇州宋季其祖休徙安豐謙幼讀書有智略工騎射成宗朝以文武全才舉爲兵馬都轄居官勤慎多所展布卒於任囊無寸儲惟書籍數冊而已

東臺縣志

卷之二十三

仕績

一

吳顯卿謙之子仕元爲嘉松提舉司初下車卻餽減耗風采凜然未踰年詭冒盡除鹽政清肅至正閒罷歸隱居新竈闢園曰小隱里中苦旱掘地爲井以恤鄉鄰出資獨斃市街遺蹟尙存

明

徐進卿楫茶人元程鉅夫聘之不就隱處海上及太祖起兵乃從軍征討有功已而取泰州授泰州管略官

忠孝軍百夫長

以上天啓中十場志

周沂字公魯安豐諸生洪武初海上凶饑賑濟命下有司未卽舉行萬民愁歎欲叩閭訴寃而無其人沂方

弱冠毅然請往抵金陵值上微行以流民狀行歌於市上詢得其概命具疏入卽逮所司置重典賜沂深衣大帽書以股肱二字予之官九江太守時江西積有補賦沂往徵之積逋盡清一時多所修舉以抗直犯當道忌謫戍遼北士論惜之

泰州志

吳伯載字納菴顯卿孫性孝友博學工詩文與同里周沂善沂官九江寄以詩有句云學問輸君得大醇郵來詩格最清新洪武中以經明行修舉爲常山令鋤豪滑超沉寃振學校勵農桑清賦役嚴保甲善政畢舉秩滿復任常山九年擢京職嘆曰吾髮種種矣一

東臺縣志

卷之二十三

仕績

二

官匏繫何爲遂告歸歸日闔邑扶老挈幼號泣送之居家二十載杜門卻軌爲鄉飲賓者再壽八十有八

康熙中
十場志

陳珪武卞莊人洪武初從大將軍徐達北定中原授龍虎衛百戶改燕山護衛從成祖出塞爲前鋒進副千戶靖難兵起積功至指揮同知還佐太子居守累遷都督僉事封泰寧侯永樂四年董建北京宮殿八年帝北征輔趙王留守北京十五年命鑄繕工印給珪並設官屬兼掌行在後府十七年卒年八十五贈靖國公諡忠襄子榆嗣其曾孫良弼署南京中府事

明史

張麒楫茶人洪武中任江西行省參政從軍有功陞行
省左丞子禮世襲指揮僉事從征安南有功授廣西
衛鎮撫

何珏富安人洪武中以武功封東臯侯

張瓏字汝珍富安人由進士任浙江遂安令廉介自守
均賦役興學校治水利革弊剔奸期月間豪橫斂迹

逃移復業者數千人未久去任乞留者甚衆以上中
十場志

徐達字宗達周卜莊人演子演見篤
行傳幼習舉子業輒試

弗偶嫻法家言爲府刑曹椽居心平恕有張姓者偶
附客舟至中途爲邏者所獲發之舟中皆私鹽也鹽

東臺縣志

卷之二十三

仕績

三

販驚而遁縛張之官將以千斤充罰張之婦鬻女具
白金求釋達曰何從得此張以實告達曰願得女卽
返金二日持女至達笑曰以女易金金不敢受以金
易女女豈忍受乎昨已代爲求釋矣其父涕泣感活
命恩後謁選授單縣丞適土木難作達職專馬政不
掙不索民安之調温縣時忤監司欲媒其短達操勵
無可訾議久之心迹竟白而監司亦平未幾以憂去
復補鄞縣丞慈愛之心孚於百姓事至卽剖決無滯
獄亦無冤民民蒙其惠者咸尸祝而俎豆之年五十
得子蕃舉宏治鄉薦癸丑成進士釋褐以達老乞終

養踰年而達始卒人以爲仁恕之報云嘉靖中贈通

議大夫副都御史

徐氏家譜

徐蕃字宣之號北屏達子由進士授南京吏科給事中
以論劉瑾廷杖幾死放爲民瑾誅起爲江西參議會
寇亂朝廷徵兵督勦崎嶇兵閒十餘年坐不戢功僅
贖罪爲浙江提學副使抑浮靡崇理學擢山西布政
使尋以都御史出撫鄖襄清覈流民得二十餘萬戶
盜賊屏迹行旅晏然後以工部侍郎提督易州廠以
疾乞休蕃性簡淡寡嗜好居處服饌取給而已見其
子治室美恚之素無妾媵其妻爲購少女備巾櫛蕃
歸見之卽日遣還其家

東臺縣志

卷之二十三

仕績

四

徐嵩號小石蕃子由進士授戶部主事與議興獻禮忤
旨廷杖尋復職陞郎中會考選漕運軍職甄別允當
出爲保定河閒知府擢湖廣副使分巡江防時牛首
山礦徒猖獗辰衡二府騷然撫按屬嵩調集官兵督
戰殲其渠反側悉平捷聞遷山西參政擢布政使移
撫順天時朶顏三衛連結哈密聲言入貢將圖不軌
嵩委身經略賴以寧謐

以上泰州志

喬銀字國珍號南樓西溪鎮人嘉靖閒在何塚場三里
灣與倭戰斬其酋軍門給與義勇冠帶後隨總制張

公于江南殺賊有功陞泰州守禦千戶所世襲百戶
繆滂耕茶人嘉靖十八年倭入犯境滂奉檄統領竈勇
截殺獲賊十餘級悉以功分人或問之曰使子孫不
才反害之矣今日第爲朝廷戮力耳後以場使缺權
理八月多所興革

徐邱耕茶人有膂力武勇絕倫嘗調征播蜀皮林諸處
有功事聞優旨褒獎

程運富安人性孝友慕范文正公之賢建祠祀之爲汾
州府經歷時方築城座骸骨恤丁役轉海寧丞築海
塘權嘉興縣事擒盜安民厯有勞績以老告歸天啓

東臺縣志

卷之二十三

仕績

五

四年舉泰州鄉飲大賓

徐耀字韞生早孤季父昊撫之以富安場竈籍登崇禎
元年進士知福建龍溪縣多異政撫海寇劉香老有
功入爲兵科給事流寇犯鳳陽抗疏糾漕撫誤國罪
直聲振天下時軍餉告匱命耀督逋賦於兩浙獨請
蠲派二十餘萬淮揚旱代里民繪圖請命得免徵泰
州飛派鳳米萬石特疏豁免轉太常少卿遷都察院
僉都副使協理院事卒於任贈副都御史

蔡日晉耕茶人由太學任鴻臚寺序班至光祿寺署丞
奉差催督安慶廬州軍器馬價著有勞績

以上康熙
中十場志

國朝

田顯吉秦潼鎮人天姿超穎十歲應州試冠其軍年二十領崇禎己卯鄉薦選嘉善縣令不就至 國朝順

治十八年成進士知山東嶧縣在官除胥吏徭役緩徵稅減刑杖革陋規禁苞苴諸多善政邑人德之督撫交薦內用會以疾卒百姓有嘆息泣下者祀鄉賢

祠泰州志

繆君明枌茶人順治中以太學生任北通州知州擢大同宣府同知歷南昌府常州府同知清廉明察有為海烈婦伸冤事常人建其生祠於烈婦祠繆氏族譜

東臺縣志

卷之二十三 仕績

六

徐我達字兼善安豐人少廩於庠讀書西義阡寺沉酣典籍能文章順治丙戌舉人丁亥進士知順天懷柔縣改湖北益陽縣斷決如流咸中竅要攝長沙府事

以剛直被劾歸康熙中十場志

田敬錫字公燮顯吉兄子由歲貢考中書舍人事父明符孝養備至淹貫經史里中稱為文壇祭酒後補刑部主事遷員外郎郎中時浙省一朝貴窩盜事覺行數千金求寬解卻不受卒按治如律秦蜀起大獄株連至千百人堅持不可卒從其議所活無算己巳監

修

太和殿告成蒙上賞辛未以考選試卷稱

旨賜蟒緞歸里後治別業曰半園絕口不談時事會歲澇報
災大吏委員履勘慮駭飭敬錫慷慨肩之始得達晚
年捐西錦莊田四百餘畝價值數千金爲胡公書院
士子膏火之費至今賴之歿祀鄉賢祠

田廣運字右君敬錫子也康熙乙酉奏獻詩賦

召試博學至辛卯領順天鄉薦壬辰榜奉

旨欽賜進士充武英殿纂修官議叙除泉州府惠安令惠安
爲海疆岩道廣運蒞任多異政士民悅服遠人畏懷
督撫交薦奉

東臺縣志

卷之二十三

仕績

七

上諭曰廣運盡心公務勤勞可嘉擢江西贛州府寧都州

特恩也將入京引見卒於惠

以上泰
州志

姜穎新字文庸本城人如皋籍雍正元年進士與修會
典由翰林改官給事中出爲天津河道河不爲災以
怡親王薦擢直隸按察使釐積案辨疑獄捕巨猾劉
金剛等數十人置之法一時綱紀肅然樂育多士開
觀善堂於署之西偏廣築齋舍俾諸生肄業其中膏
火悉出廉俸給之未幾有江寧布政使之

命時穎新釋褐甫十年父母在堂年皆八旬乃乞養歸士論

榮之

新鹽
法志

楊大同何梁人由承差任河南唐縣典史廉能有幹政
績多可觀者戶部郎中楊某注其考云存心抑畏馭
事精勤操守無玷於官箴輸納有裨乎國計

練應魁梁梁人爲人饒幹略長於吏治有權變遇事盤
錯他人斂手應魁遇之輒立解任湖廣慈利尉縣令
每事諮之倚以爲重嘗權縣事篆山中蛟出水勢洶
湧舉縣將沉溺應魁設計備之救民命以數萬計有
溪峒賊爲患設方略守禦烽烟不驚年老告歸創家
祠以聚宗族壽八十五

繆澍楫茶人任德清縣丞富學術居官有聲當路推重

東臺縣志

卷之二十三

仕績

八

之告歸日惟往時圖書一肩他無長物其清介廉潔

如此

以上康熙
中十場志

練光祖梁梁人由武生調選武健營從征巴里坤有功
議叙二等授懷遠縣千總

徐天鳳字文徵楫茶人丙戌

廷試策對蒙

上褒嘉曰國士無雙由軍功歷官化林坪協鎮

繆霖字樹村由貢生任徐州府碭山縣訓導醇醴端慤

士林式之捐俸置學田數頃

繆錚字鍾如乾隆間由貢生任長沙府瀏陽縣丞卽擢

知縣事調興寧署衡州府通判能文章精吏治所至民甚德之

杜明德字立人安豐人以舉人官安徽建平縣令歷署旌德東流壽州知州池州府同知所至有政聲晚年歸家杜門課孫未嘗以一刺謁公府

孫喬年字心山古孫家莊人文體華瞻詞賦亦清麗可喜由進士官蘇州府教授訓迪多士多所成就巡撫閔公鶚元特器重之後卒於官

趙昇東字賓門唐壩人以廩貢就教官其在碭山適被災辦賑學中多極貧士爲給予不公憤爭縣令欲繩

東臺縣志

卷之二十三

仕績

九

以法昇東力解之並出已金助給事乃已官秦興時有馮生觸當事將獲譴會學使劉按試通州昇東爲力辯雪其冤後家居設內塾課諸子從子及孫建外塾教族人子弟貧者更衣食之泰州庠生何濤子璠聘周氏女未婚而歿周誓志守貞貧無可依昇東月給薪米周賴茲獲全其志

范素字行九梁梁人工制藝早有文名慷慨好客由貢生歷任桃源石埭教官晚年休於家鄉人有難事輒以告告輒曲全之無厭心亦無德色

以上
新增

古者鄉舉里選未嘗分文武兩途也至漢以三途

取士又令六郡良家給羽林期門而文與武始分途矣要其殊勳茂烈赫赫照人耳目者武階中固大有人在邑志於表中既列武科武階以別之而於居官著有勞績者例應立傳他志另載武勳一門究之勳亦績也而凡茲邑之登仕版者有績可紀則紀之不問武與文也故併武勳於仕績以策後之勉於自立者